



Srebrenica:15.10.2019.godine
Broj: 01-014-567-OP3/19

Na osnovu člana 69. stav 2 tačke d) i e), člana 70. stav 1.4. i 6. Zakona o javnim nabavkama ("Službeni glasnik BiH", broj 39/14), a na preporuku Komisije za javnu nabavku, imenovane Odlukom Načelnika opštine broj 01-014-567-19-O/19 od 01.10.2019. godine u postupku javne nabavke radova putem konkurentskog postupka „Održavanje ulica i puteva u zimskom periodu-zimsko čišćenje (15-11.2019.-15.03.2020.)“, broj 01-014-567-19-O/19 od 01.10.2019 godine, Načelnik opštine Srebrenica, d o n o s i :

O D L U K U

O poništenju postupka javne nabavke „Održavanje ulica i puteva u zimskom periodu-zimsko čišćenje (15-11.2019.-15.03.2020.)“ za LOT 2. Sektor 2 punkt Zeleni Jadar

Član 1.

Poništava se postupak javne nabavke radova „Održavanje ulica i puteva u zimskom periodu-zimsko čišćenje (15-11.2019.-15.03.2020.)“ za LOT 2. Sektor 2 punkt Zeleni Jadar iz razloga što ponuda primljena za navedeni lot nije prihvatljiva, nije dostavljena dokumentacija o ispunjavanju tehničke i profesionalne sposobnosti, kako je propisano tačkom 3.4 podtačka b.Tenderske dokumentacije konkurentskog postupka „Održavanje ulica i puteva u zimskom periodu-zimsko čišćenje (15.11.2019.-15.03.2020.)“, član 69. stav 2. tačka d) Zakona o javnim nabavkama ("Službeni glasnik BiH", broj 39/14). Također, ponuđač je dao veću cijenu od procijenjene cijene Ugovornog organa, član 69. stav 2. tačka e) Zakona o javnim nabavkama ("Službeni glasnik BiH", broj 39/14).

Član 2.

Za izvršenje ove Odluke zadužuje se i ovlašćuje Stručna služba Načelnika-Kabinet Načelnika opštine, kao i komisija za javne nabavke koja je imenovana Odlukom Načelnika opštine Srebrenica.

Član 3.

Ova odluka objavit će se na web-stranici opštine Srebrenica www.srebrenica.gov.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6). Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj 01-014-567-19-O/19 od 01.10.2019. godine.

Javna nabavka je provedena putem konkurentskog postupka za dostavu ponuda.

Procijenjena vrijednost javne nabavke bez uračunatog PDV-a iznosi 80.000,00 KM (slovima osamdesethiljadakonvertibilnihmaraka).

Obavjest o nabavci broj 406-7-3-17-3-26/19 poslata je na objavu dana 01.10.2019. godine na Portalu Agencije za javne nabavke.

Tendersku dokumentaciju putem portala javnih nabavki preuzeli su slijedeći ponuđači:



1. EKAPIJA DOO
2. BBS EUROPE
3. DOO LUGOVI-KOP ŽIVINICE
4. „TEHNOMETAL“ DOO VLASENICA
5. BRAČA ATIĆ DOO ŠUBIN-SREBRENICA
6. KALIMAN COMPANY D.O.O.

Nabavka je podjeljena lotove i to :

- LOT 1. Sektor 1 punkt Kragljivoda
- LOT 2. Sektor 2 punkt Zeleni Jadar
- LOT 3. Sektor 3. punkt Žutica
- LOT 4. Sektor 4. punkt Podravanje
- LOT 5. Sektor 5. punkt Skelani

Komisija za javnu nabavku imenovana je Odlukom broj: 01-014-567-19-O/19 od 01.10.2019.godine.

Komisija za javnu nabavku dostavila je Načelniku opštine Srebrenica Izvještaj/zapisnik o radu, Zapisnik o pregledu i ocjeni ponuda te Preporuku o poništenju postupka javne nabavke "Održavanje ulica i puteva u zimskom periodu-zimsko čišćenje (15.11.2019.-15.03.2020.)" broj 01-014-567-P2/19 od 01.10.2019. godine.

U postupku po izvještaju o radu, utvrđeno je da Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno slijedeće:

- Da je ukupan broj pristiglih ponuda: 3 (tri) ponude:

1. „Lugovi kop“ d.o.o. Živinice,
2. DOO „BRAČA ATIĆ“ ŠUBIN-SREBRENICA I
3. „TEHNOMETAL“ d.o.o. VLASENICA.

Ponuđač „Lugovi kop“ d.o.o. Živinice je dao ponude za LOT 1. Sektor 1 punkt Kragljivoda i LOT 5 Sektor 5 punkt Skelani, ponuđač DOO „BRAČA ATIĆ“ ŠUBIN-SREBRENICA je dao ponudu za LOT 2. Sektor 2 punkt Zeleni Jadar i ponuđač „TEHNOMETAL“ d.o.o. VLASENICA je dao ponude za LOT 3. Sektor 3. punkt Žutica i LOT 4. sektor 4 punkt Podravanje.

- Da su blagovremeno zaprimljene: 3 (tri) ponude:

1. „Lugovi kop“ d.o.o. Živinice,
2. DOO „BRAČA ATIĆ“ ŠUBIN-SREBRENICA I
3. „TEHNOMETAL“ d.o.o. VLASENICA.

- Da su neblagovremeno zaprimljene 0 (nula) ponuda

- Da je 1 (jedna) ponuda ponuđača prihvatljiva

1. „TEHNOMETAL“ d.o.o. VLASENICA.

- Da su 2 (dvije) ponude ponuđača neprihvatljive ponude tehnički neispravne i to ponude:

1. „Lugovi kop“ d.o.o. Živinice I
2. DOO „BRAČA ATIĆ“ ŠUBIN-SREBRENICA.

U postupku ocjene provedenog postupka, Načelnik opštine nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za javnu nabavku.



U postupku je ocijenjeno da je Komisija u svemu pravilno postupila, te da je preporuka o poništenju postupka nabavke za LOT 2. data u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Naime, u postupku predmetne nabavke nesumnjivo je utvrđeno da ponuda ponuđača DOO „BRAČA ATIĆ“ ŠUBIN-SREBRENICA koji je jedino i dao ponudu LOT 2. nije bila tehnički ispravna.

Ponuđač DOO „BRAČA ATIĆ“ ŠUBIN-SREBRENICA nije dostavio dokumentaciju o ispunjavanju tehničke i profesionalne sposobnosti, kako je propisano tačkom 3.4 podtačka b. Tenderske dokumentacije konkurentskog postupka “Održavanje ulica i puteva u zimskom periodu-zimsko čišćenje (15.11.2019.-15.03.2020.)”. Ponuđač je bio obavezan za svaku traženu mehanizaciju po sektoru dostaviti potvrdu o vlasništvu i registraciji iste ili u slučaju da ponuđač ne raspolaže sa odgovarajućom mehanizacijom za svaki sektor mogao je dostaviti i Ugovor o korištenju/iznajmljivanju potrebne mehanizacije. Ponuđač navedeni dokaz nije dostavio za traženu mehanizaciju, i to za buldožer i za grejder.

Također, ponuđač je dao veću cijenu od procijenjene cijene za LOT 2. Sektor 2 punkt Zeleni Jadar.

Iz navedenih razloga, primjenom člana 69. stav 2. tačke d) i e) Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba. Žalba se može izjaviti najkasnije u roku od 10 (deset) dana od dana prijema ove Odluke i ista se izjavljuje Načelniku opštine kao ugovornom organu, u pisanoj formi i mora biti urađena u dovoljnom broju primjeraka koji ne može biti manji od 3 (tri).

Žalba se može uložiti direktno na protokol Opštine Srebrenica ili preporučenom pošiljkom.

Dostavljeno:

1. Ponuđačima
2. Kabinet Načelnika
3. a/a.

Načelnik opštine

Mladen Grujičić